

Zeitschrift: L'ami du patois : trimestriel romand
Band: 20 (1992)
Heft: 79

Artikel: L'outon
Autor: Djean de la Nê / Brodard, Jean
DOI: <https://doi.org/10.5169/seals-242852>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 22.11.2024

ETH-Bibliothek Zürich, E-Periodica, <https://www.e-periodica.ch>

L'OUTON



No j'arouvin à la pye bala chèjon de l'an : L'outon. Kan fâ bi tin, din lè prâ nouhrè balè vatsè fribordzèjè, ke medzon chi bon repé bayon a nouhron tan bi pays on n'ê de trantchilitâ de pé ke repajè le kâ è redzoyè lè j'yè. E kan kotyè klankè, ou bounè hyotsètè fan à réjenâ nouhra kotse on chàbrère di j'arè tyè à vuiti chi bi payijâdzo. E kan arouvè le mi d'oktobre, che n'a pitita dzalâ chè fâ à chintre, lè la

kanpanye li mima ke keminthè à no fére à vère chè balè kola. Kemin na bala ya ke vou pachâ, y chinbyè ke lè j'âbro, pri de nouhrè méjon, la dza ke lè on tro pye yin, chè fan konkuranthe po no fére à vère totè lè kola de la râye de chin Martin. Lè fothi, je chon lè pye bi, chon lè premi à no mohrà tota lou biyotâ. Le Bon Dyu, chi pintre ke nyon pou fére mi, bayè à hou j'âbro, avu lou kola chin nonbro fan bon minâdzo avu lè bithè ke chon in tsan. Che le chéla lè on bokon tso, lou j'onbro vin lè rafrêtchi, è che la piodze arouvè, chon achebin inke po lè j'achothâ.

Kan vin le keminthèmin de novembre, chuin kan onko pye vuto, le pou tin arouvè, è lè à la rêthe ke fo rè moujâ.

Lè por no le tin di balè vèyè ke keminthon. Chu le forni bon tso ou à la kotse de la tsemenâ yo ke le fu krejenè, no chin bin akarotâ, avu chu lè dzena, le tsa ke mènè le brego, ou on bi lèvro ke no fâ à pachâ lè j'arè bin rido é pyéjintè kemin kan on yé "L'ami dou patê !

Et kan l'oura de la nê keminthè a chohyâ la danthe di foyè de totè lè kola ke vinyon fére on tan bi tapi deje lè j'âbro, on chà ke levè, la chèjon dou répou, di balè vèyè et di partyè de kârtè lè inke.

Chenâde hyotsètè de nouhron bi payi

Fède à réjenâ avu nouhrè tsanthon

Nouhrè ka to redzoyi

D'intindre vouhron redzingon.

Kan la téra vou j'indre mi

La fota de vouhrè j'efrethon

Po ke dèman pouèchè rèvigni.

Djean de la Nê.